



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacros. Concilii Tridentini Canones Et Decreta

Gallemart, Jean

Coloniæ Agrippinæ, 1621

Capvt I. Laicos, & Clericos non conficientes, non ad stringi iure diuino ad
Communionem sub vtraq[ue] specie.

urn:nbn:de:hbz:466:1-39157

SESSIO XXI.

QVÆ EST QVINTA

SVB PIO IV. PONTIF. MAX. CELEBRATA DIE XVI. IVL. M. D. LXII.

Doctrina de Communione sub vtraque specie, & paruulorum.

ACROSANCTA OEcumenica, & generalis Tridentina Synodus, in Spiritu Sancto legitime congregata, præsidentibus in ea eisdem Apostolicæ Sedis Legatis, cum de tremendo & sanctissimo Eucharistiæ Sacramento varia diuersis in locis errorum monstruissimi demonis artibus circumferantur, ob quæ in nonnullis prouincijs multi à Catholicæ Ecclesiæ fide atque obedientia videantur discessisse; censuit, ea quæ ad communionem sub vtraque specie, & paruulorum pertinent, hoc loco exponenda esse. Quapropter cunctis Christianis fidelibus interdicit, ne posthac de ijs aliter vel credere, vel docere, vel prædicare audeant, quàm ex his decretis explicatum atque definitum.

CAPVT I.

Laicos, & Clericos non conficientes, non adstringi iure diuino ad Communionem sub vtraque specie.

ITaque sancta ipsa Synodus, à Spiritu Sancto, qui Spiritus est ^{a Esai. 11.} sapientiæ & intellectus, Spiritus consilij & pietatis, edocta, atque ipsius Ecclesiæ ^{b Conc. Constantiens. Sess. 13. infra, Can. 20.} iudicium & consuetudinem secuta, declarat ac docet, nullo diuino præcepto laicos, & Clericos non conficientes, obligari ad Eucharistiæ Sacramentum sub vtraque specie sumendum; neque vilo pacto, salua fide, dubitari posse, quin illis alterius speciei Communio ad salutem sufficiat. Nam

O

a et si

ncil. Trid.
declara.
near. in dno
m. 1602.

a et si Christus Dominus in vltima Cœna venerabile hoc Sacramentum in panis & vini speciebus instituit & Apostolis tradidit: non tamen illa institutio & traditio eò tendunt, vt omnes Christi fideles statuto Domini ad vtramque speciem accipiendam astringantur. Sed neque ex sermone illo, apud Ioannem sexto, rectè colligitur, vtriusque speciei Communionem à Domino præceptam esse: nec cumque iuxta varias sanctorum Patrum & Doctorum interpretationes intelligatur. Namq; qui dixit; *b* Nisi manducaueritis carnem Filij hominis, & biberitis eius sanguinem, nō habebitis vitam in vobis: dixit quoque: *c* Siquis manducauerit ex hoc pane, viuet in æternum. Et quidam: *d* Qui manducat meam carnem, & bibit meum sanguinem, habet vitam æternam: dixit etiam: *e* Panis, qui ego dabo, caro mea est pro mundi vita. Et denique qui dixit: *f* Qui manducat meam carnem, & bibit meum sanguinem, in me manet, & ego in illo: dixit nihilominus: *g* Qui manducat hunc panem, viuet in æternum.

REMISSIONES.

*V*ide P. Henric. in sum. lib. 8. de Eucharistia, cap. 44. à p. Cardin. Bellarm. lib. 4. de Euchar. cap. 24. Valent. de Sacram. disp. 6. quæst. 6. puncto 5. Petr. Ledesm. in sum. p. 1. tract. de Euchar. cap. 16. concl. 2. P. Ægid. de Sacram. & censur. tom. 1. q. 80. num. cum sequentib. & quæst. 73. num. 36. P. Valeri Reginal. in pract. ri potuit lib. 29. num. 38. in fine, & 39. vbi etiam de Can. 4. huiusmodi Sess. 21.

CAPVT II.

Ecclesia potestas circa dispensationem Sacramenti Eucharistia.

*P*RETEREA declarat, hanc potestatem perpetuò in Ecclesia fuisse, vt in Sacramentorum dispensatione, salua illorum substantia, ea statueret vel mutaret, suscipientium vtilitati, seu ipsorum Sacramentorum rationi, pro rerum, temporum & locorum varietate.